

SAMNINGUR UM REFAVEIÐAR

Neðangreindir aðilar hafa gert með sér eftirfarandi samning um refaveiðar („samningurinn“)

Umhverfisstofnun, kt. 701002-2880, Suðurlandsbraut 24, 105 Reykjavík og Skeiða- og Gnúpverjahreppur, 540602-4410, [Félagsheimilinu Árnesi], [801 Selfossi], („sveitarfélagið“)

1. Markmið samnings

1.1. Markmið samningsins er að hafa yfirsýn um þær aðgerðir sem þarf til að stemma stigu við fjölgun refa og draga úr tjóni af þeirra völdum sem og að skapa fyrirsjáanleika varðandi endurgreiðslur ríkissjóðs vegna refaveiða sveitarfélaga.

2. Hlutverk sveitarfélagsins

2.1. Hlutverk sveitarfélagsins er að:

- Ráða kunnáttumann/menn til veiðanna.
- Safna saman upplýsingum frá veiðimönnum sbr. 8. gr. og koma þeim til Umhverfisstofnunar eftir því sem getið er í samningnum.
- Senda árlega uppgjör og veiðiskýrslur til Umhverfisstofnunar, ásamt gögnum sem talin eru upp í 7. gr. þessa samnings, fyrir 15. október ár hvert. Á reikningi skal koma fram fjöldi unninna dýra. Reikningur skal samræmast reglum ríkisskattstjóra. Umhverfisstofnun getur lagt til sérstakar reikningsbækur til sveitarfélagsins.
- Halda grenjaskrá sbr. 6. gr.

3. Samningsgögn

3.1. Eftirtalin samningsgögn eru hluti af samningnum.

- Áætlun sveitarfélagsins um refaveiðar árin 2020, 2021 og 2022.
- Yfirlit Umhverfisstofnunar um endurgreiðsluhlutföll sveitarfélaga og eftir atvikum endurskoðuð yfirlit um endurgreiðsluhlutföll sveitarfélaga.

4. Verkáætlun

4.1. Sveitarfélagið skal vinna í samræmi við framlagða áætlun sveitarfélagsins um refaveiðar sem er hluti af samning þessum sbr. 1. mgr. 3. gr.

5. Samningsfjárhæð og greiðslutilhögun

5.1. Samningsfjárhæð getur aldrei numið hærri fjárhæð en endurgreiðsluhlutfall sveitarfélagsins, sbr. b. liður 1. mgr. 3. gr., af þeirri fjárhæð sem sveitarfélagið áætlað að verði varið í refaveiðar í áætlun sinni sbr. a. liður 1. mgr. 3. gr.

5.2. Verji sveitarfélagið lægri fjárhæð í refaveiðar en áætlað var í áætlun sveitarfélagsins sbr. a. liður 1. mgr. 3. gr. skal endurgreiðsluhlutfallið miðast við þá fjárhæð sem raunverulega var varið í refaveiðar og fram kemur í innsendum reikningum.

5.3. Umhverfisstofnun greiðir hlutfall af kostnaði sveitarfélagsins miðað við framlagða reikninga. Samningsfjárhæð samningsins er að hámarki:

- kr. **512.500**, - fyrir árið 2020 sem greiddar verða til sveitarfélagsins 15. desember sama ár, enda hafi sveitarfélagið skilað tilskildum gögnum í samræmi við 8. gr. samningsins, fyrir 15. október 2020.
- kr. **512.500**, - fyrir árið 2021, sbr. þó 10. gr., sem greiddar verða til sveitarfélagsins 15. desember sama ár, enda hafi sveitarfélagið skilað tilskildum gögnum í samræmi við 8. gr. samningsins, fyrir 15. október 2021.
- kr. **512.500**, - fyrir árið 2022, sbr. þó 10. gr., sem greiddar verða til sveitarfélagsins 15. desember sama ár, enda hafi sveitarfélagið skilað tilskildum gögnum í samræmi við 8. gr. samningsins, fyrir 15. október 2022.


5.4. Samningsfjárhæð tekur mið að því að framlag ríkisins í fjárlögum sé hið sama á hverju ári gildistíma samningsins og getur tekið breytingum ef fleiri sveitarfélög skila inn áætlunum og gera samning um refaveiðar við Umhverfisstofnun.

6. Grenjaskráning

6.1. Sveitarfélagið skal senda inn grenjaskrár til Umhverfisstofnunar á rafrænu formi.

6.2. Í grenjaskrá skulu koma fram upplýsingar um eftirfarandi:

- nafn/númer grenis.



Handwritten signature and initials in blue ink.

- b. hvort greni sé í ábúð eða ekki.
- c. Hnitsetning ef um nýtt greni er að ræða.
- 6.3. Upplýsingar um ábúð grenja skal uppfærð árlega.
- 6.4. Umhverfisstofnun lítur svo á að grenjaskrár séu undanþegnar upplýsingarétti almennings samkvæmt upplýsingalögum nr. 140/2012 og mun því fara með upplýsingarnar sem trúnaðarmál. Upplýsingunum verður þó deilt með Náttúrufræðistofnun Íslands.

7. Sýni til Náttúrufræðistofnunar Íslands

- 7.1. Náttúrufræðistofnun Íslands getur kallað eftir sýnum frá sveitarfélaginu og refaveiðimönnum. Sveitarfélagið skal verða við beiðni stofnunarinnar um afhendingu sýna og fylgja leiðbeiningum um varðveislu og meðhöndlun þeirra.
- 7.2. Eftir atvikum skal sveitarfélagið hafa samstarf við Náttúrustofu síns landshluta um varðveislu og meðhöndlun sýna.

8. Gagnaskil

- 8.1. Fyrir 15. október ár hvert á samningstímabilinu skal sveitarfélagið skila Umhverfisstofnun eftirtöldum gögnum á rafrænu formi:
 - a. Upplýsingum um fjölda veiddra dýra flokkað í; grendýr, hlaupadýr og yrðlinga.
 - b. Upplýsingum um heildarkostnað vegna veiðanna.
 - c. Grenjaskrá sbr. 6. gr.
 - d. Afrit af reikningum með útlögðum kostnaði sveitarfélagsins á árinu, hengt við sem viðhengi.
 - e. Upplýsingum um tjón af völdum refa.
- 8.2. Skili sveitarfélagið ekki gögnum á tilskildum tíma áskilur Umhverfisstofnun sér rétt til að greiða ekki samningsfjárhæð þess árs sem gögnum er ekki skilað.

9. Ágreiningsmál

- 9.1. Rísi ágreiningu á milli aðila vegna samningsins skulu samningsaðilar leitast við að leysa úr honum sín á milli. Takist það ekki er hvorum aðila um sig heimilt að reka mál vegna hans fyrir Héraðsdómi Reykjavíkur.

10. Endurskoðun og breytingar á samningi

- 10.1. Endurgreiðsluhlutfall sveitarfélagsins verður endurskoðað árlega með hliðsjón af endurgreiðslum fyrra árs og framlagi ríkisins á fjárlögum.
- 10.2. Umhverfisstofnun er heimilt að endurskoða samninginn og breyta samningsfjárhæð og endurgreiðsluhlutfalli sveitarfélagsins komi til breytinga á framlagi ríkisins í fjárlögum, ef sveitarfélögum sem taka þátt í refaveiðum fjölga eða ef áætlun sveitarfélagsins sbr. a. lið 1. mgr. 3. gr. breytist.

11. Undirritun og gildistími

- 3.1. Samningur þessi tekur til refaveiða sveitarfélagsins árin 2020, 2021 og 2022.
- 3.2. Samningurinn tekur gildi við undirritun og gildir til 31. desember 2022.
- 3.3. Undirritun fer fram rafrænt. Sveitarfélagið skal skrifa undir samninginn og senda skannað eintak til Umhverfisstofnunar og í kjölfarið sendir Umhverfisstofnun sveitarfélaginu fullundirritað eintak. Umhverfisstofnun varðveitir frumrit.

Reykjavík, dagur


Kristín Kalmansdóttir⁸⁸⁰

f.h. Umhverfisstofnunar

Árnesi, dags. 30.10.2020


Kristófer Tomasson

f.h. Skeiða- og Gnúpverjahrepps